

Program za praktikante

Ured koordinatora za reformu javne uprave BiH (Ured koordinatora) poziva zainteresovane mlade ljude koji započinju svoju karijeru i koji su zainteresovani za obuku uz rad, da dostave svoje prijave za učešće u Programu za praktikante (Junior professionals programme). Program se finansira kroz tekući Projekat državne i entitetske reforme javne uprave u BiH, koji provodi Nacionalna škola za upravu iz Velike Britanije iz sredstava koje je osiguralo Odjeljenje za međunarodni razvoj (DfID).

Reforma javne uprave u BiH je jedan od preduslova za integraciju BiH u Evropsku uniju. Više informacija o reformi javne uprave u BiH i Uredu koordinatora možete naći na web stranici Ureda www.parco.gov.ba

Svrha programa je da kroz direktni angažman u radu Ureda koordinatora obezbjedi razvoj profesionalnih vještina mladih stručnjaka u periodu neposredno nakon sticanja univerzitetske diplome i osigura praktična iskustva za njihov budući rad u strukturama državne službe/uprave.

Program je otvoren za 3 (tri) praktikanta i to:

- a) **praktikant u timu refomske oblasti izrade politika i koordinacionih kapaciteta,**
- b) **praktikant u timu refomske oblasti javne finansije**
- c) **praktikant u timu refomske oblasti upravni postupak.**

Kao odabrani član manjeg tima imaćete priliku pružati opštu, tehničku, administrativnu i operacionu podršku aktivnostima i projektima vezanim za reformu javne uprave koji se realizuju u saradnji sa međunarodnim donatorima i institucijama državne službe/uprave na različitim nivoima vlasti u BiH. Za detaljniji opis posla molimo vas da posjetite web-stranicu www.parco.gov.ba/ (dio konkursi i oglasi)

Kao podoban kandidat očekuje se da posjedujete univerzitetsku diplomu i to: za poziciju a) iz oblasti prava ili političkih nauka, za poziciju b) iz oblasti elektrotehnike, ekonomije ili drugog tehničkog fakulteta – smjer informatika; i za poziciju c) iz oblasti prava. Potrebno je aktivno poznavanje engleskog jezika(pisano i govorno), te sposobnost aktivnog rada na računaru (MS Windows, MS Office - Word, Excel, Access, Internet i e-mail, programi za izradu prezentacija).

Spremnost i sposobnost za rad u timu su neophodni, kao i dobre komunikacijske vještine, te spremnost na razvoj ličnih sposobnosti, vještina i iskustava. Interesovanje za rad u javnoj administraciji i razumijevanje procesa refome javne uprave i evropskih integracije će biti posebno vrednovano.

Angažman uspješnih kandidata započeti će tokom juna 2008. godine i trajaće najdalje do 31. januara 2009. godine. Praktikanti neće zasnivati radni odnos, ali će biti obezbijedena naknada za pokrivanje osnovnih troškova tokom obavljanja prakse i to u iznosu od 500 KM mjesečno.

Ako ste zainteresovani za učešće u ovom programu, molimo vas da uz **popunjen aplikacioni obrazac** dostavite i sljedeće dokumente:

1. ovjerenu kopiju diplome
2. kopiju lične karte i
3. kopije relevantnih certifikata koje posjedujete.

Aplikacioni obrazac možete preuzeti sa www.parco.gov.ba ili u prostorijama Nacionalne škole za upravu u ulici Bjelave 85.

Prijavu možete dostaviti putem e-maila na adresu larisa.spuren@separb.org, ili na adresu Nacionalne škole za upravu, Bjelave 85, Sarajevo, do 26 maja 2008 godine, do 16.00. Dodatne informacije u vezi sa prijavom za program za praktikante možete dobiti putem telefona 033 554 935, kontakt osoba Larisa Špuren-Šarić.

Neblagovremene prijave se neće uzeti u obzir. Odabir uspješnih kandidata provesti će se putem intervjua, i uz mogućnost pismenog testiranja poznavanja engleskog jezika i rada na računaru, o čemu će kandidati koji uđu u uži izbor biti naknadno obaviješteni.